

Божхона хизмати органларида коррупция ва бошқа салбий ҳолатларини олдини олиш борасида амалга оширилаётган ишлар юзасидан МАЪЛУМОТ

Сўнги йилларда республикамизда коррупцияга қарши курашиш борасида амалга оширилаётган ислохотлар ижроси юзасидан божхона органларида бир қатор мақсадли тадбирлар амалга оширилмоқда.

Хусусан, Коррупцияга қарши курашиш агентлиги ва Ҳисоб палатаси билан ҳамкорликда “Давлат божхона қўмитаси тизимида коррупцияга қарши курашиш ва олдини олиш бўйича **“Йўл харитаси”** ҳамда **коррупция аломатларини фош этишда кўмак кўрсатаётган шахсларни рағбатлантириш** ҳамда **манфаатлар тўқнашувини олдини олиш ва уни ҳал этиш механизмлари** ишлаб чиқилди. Хусусан,

ДБҚнинг 15.10.2019 йилдаги “Давлат божхона хизмати органлари ходимлари ўртасида коррупцияга оид ҳуқуқбузарликларни содир этилишининг олдини олиш чора-тадбирларини янада такомиллаштириш тўғрисида”ги 266-сонли буйруғи билан **“Давлат божхона хизмати органларида коррупцияга оид ҳуқуқбузарликларни содир этишга ундаш ҳолатлари ҳақида хабар бериш, уларни рўйхатга олиш, кўриб чиқиш ҳамда уларга қарши курашишдаги ходимларнинг фаол иштироки учун рағбатлантириш тўғрисида”**ги Тартиб ишлаб чиқилган.

Унга кўра, **Коррупцияга оид ҳуқуқбузарликларни содир этишга ундаш ҳолатлари ҳақидаги мурожаатлар бўйича 2023 йил давомида 3 та** ҳолатда ходимларнинг мурожаати асосида бошқа ҳуқуқни муҳофаза қилувчи органлар билан ҳамкорликда **Фарғона** ва **Навоий** вилоятларида тезкор тадбирлар ўтказилди.

Хусусан, 2023 йил 2 май куни **Фарғона вилояти** “Риштон” чегара божхона постида ўтказилган тадбирда, пост орқали кам миқдордаги валюта бойликлари миқдорини сунъий равишда ошириб сохта йўловчи божхона декларацияси асосида ўтказиш билан боғлиқ жиноий фаолият фош этилди.

Унга кўра фуқаро Г.Бобоев мунтазам равишда божхона чегараси орқали валюта бойликларини олиб ўтувчи Қирғиз Республикаси фуқаролари Б.Собиржонов ва А.Халматовлар билан моддий манфаатдорлик эвазига келишган ҳолда 26,5 АҚШ доллари миқдоридаги валюта бойликларини орасига майда купюрадаги АҚШ доллари пулларини аралаштириб Б.Собиржонов номига 315 минг доллар ҳамда А.Халматов номига 320 минг доллар жами 635 минг АҚШ доллари миқдорида хорижий валюта бойликлари

қайд қилинган сохта ЙБДларни пост ходимиға тақдим қилиб, расмийлаштирувдан ўтганидан сўнг тадбир иштирокчилари томонидан ушланган.

Аниқланган ҳолат бўйича 29,9 минг АҚШ доллари ҳамда 2,1 минг Қирғиз сом валюта бойликлари борлиги аниқланиб, ашёвий далил тариқасида олинди. Тўпланган иш ҳужжатлари ДХХ Фарғона вилояти бошқармасига юборилди.

Шу каби, 2023 йил 18 август куни Навоий вилояти Шахсий хавфсизлик тузилмаси бошқа орган ходимлари билан ҳамкорликда ўтказилган тадбирда, “Навоий” ТИФ божхона постида "Ihlas Elektrik" МЧЖ вакили Ш.Тухтаев корхона номига олиб келинган қиймати **1,9 млрд. сўмлик** товарларни “муаммосиз” божхона назоратидан ўтказиш эвазига божхона ходимиға **500 АҚШ доллари берган** вақтида тадбир иштирокчилари томонидан тўхтатилган.

Аниқланган ҳолат бўйича 22 август куни ЖКнинг 211-моддаси 1-қисми (Пора бериш) билан жиноят иши қўзғатилди, шунингдек товарларга тегишли қисми бўйича ЖКнинг 182-моддаси билан жиноят иши қўзғатилган.

Шахсий хавфсизлик бошқармаси